

Ilagiinni ilaasortat kisimik akileraartalersillugit ilaqiinnut akileraarummik naapertuuttumik eqqussisoqarsinnaanersoq pillugu apeqquteqaat allaavigalugu oqallinnissamik siunnersuut.

(Inatsisartunut ilaasortaqaq Randi Vestergaard Evaldsen, Demokraatit)

Naalagaaffiup ilagiillu immikkoortinneqarnissaat nunarsuarmi sumiikkaluaruttaluunniit oqallisaavoq. Kalaallit Nunaanni qanorluunniit upperisaqarsinnaatitaavugut, tassa imaappoq kikkulluunniit kiffaanngissuseqarput uppeqatigiinnut sorlernut ilaassanerlutik toqqassallugu imaluunniit kissaatigigunikku ilagiinnut ilaarusunnatik. Kiffaanngissuseq taanna illersortariaqarparput demokratimik kikkullu tamarmik peqataasinnaatitaanerannut illersuunitsit.

Nunatsinni ilagiit immikkut inissisimatitaanerat immikkoortuni arlalinni upperisamik pinngitsaaliisoqassannginneranut akerliuvoq. Assersuutigalugu Namminersorlutik Oqartussanit aningaasalersorneqarpoq aamma ilagiinnut allanut nammineq napatittariaqartunut naleqqiullutik. Ilagiit aamma immikkoortutigaat isumagisussaagamikku inuinnarnik nalunaarsuineq kommunimi ingerlanneqartariaqaraluartumik. Aammali allarpaalussuaqarpoq suliassanik inissisimasunik eqqumiiginarsinnaasumik. Assersuutigalugu sooq politeeqarfiliartassaagut nutaamik pasitaarniarutta? Aamma sooq biilerput nalunaarsortissuarput politeeqarfimmi kommuneqarfiup allaffianiunngitsoq?

Isumaqarpunga piffissanngortoq tamakku misissornissaat pilersillugulu innuttaasunik kiffartuussineq pisariinnerusoq imatut aaqqillugu kommuneqarfiup allaffiata innuttaasunut kiffartuussiviani suliassat tulluuttut tassunga tamaasa nuullugit. Taamaasillutik aamma uppeqatigiit allat kiffartuunneqarsinnaanngussagaluarput namminneq ilaasortaaffiginngisaminnut ilagiinnut saaffiginnettariaarullutik.

Taamatulli oqareerlunga isumaqarpunga immikkut ilagiit akileraarutaannik aqutsisussamik allaffissornermik pilersitsinissaq pisariaqanngitsoq. Paarlattuanik isumaqarpunga uppeqatigiit allat ilaasortaqaassusertik naapertorlugu tapiiffigineqarsinnaasariaqaraluartut.

Aamma upperisaqanngitsunik peqassaqqooqaaq isumaqartunik pinngitsaalineqartariaqaratik allat oqaluffiitut akilersuinissaminnut. Tamanna tunngavilersuutaalluarsinnaavoq. Aamma tunngavilersuutaasinnaavoq meeqqat atuarfianut meeqqama atuarfiginngisaannut akilersueqataasariaqanngikkaluartunga. Kisianni inuiaqatigiinn inooqataaneq taamaappoq uangalu akilersueqataakuttoorusuppunga.